

Lub Kaum Ob Hlis, Tim 31, 2024

P-2024-Cov Kev Ntsuas Saib Lub Chaw Pab Neeg
Xiam Oob Qhab Nyob Hauv Tej Cheeb Tsam Khiav
Hauj Lwm Tau Zoo Npaum Li Cas-001

SAU MUS RAU:

COV THAWJ TSWJ SAIB XYUAS DEJ NUM NTAWM COV
CHAW PAB NEEG XIAM OOB QHAB NYOB HAUV TEJ CHEEB
TSAM (REGIONAL CENTER EXECUTIVE DIRECTORS)

HAIS TXOG DAB TSI:

COV KEV NTSUAS SAIB LUB CHAW PAB NEEG XIAM OOB
QHAB NYOB HAUV TEJ CHEEB TSAM KHIAB TAU HAUJ
LWM ZOO NPAUM LI CAS: NYIAJ THEM RAU QHOV KEV
PAB CUAM KOM PAUB TXIAV TXIM RAU TUS KHEEJ KOM
LUB CHAW PAB NEEG XIAM OOB QHOV NYOB HAUV TEJ
CHEEB TSAM MOB SIAB KHIAB HAUJ LWM

Lub hom phiaj ntawm tsab ntawv ntawm no yog los mus qhia ib cov lus kho dua tshiab
hais txog txoj kev them nyiaj rau Cov Kev Ntsuas Saib Lub Chaw Pab Neeg Xiam Oob
Qhab Nyob Hauv Tej Cheeb Tsam Khiav Tau Hauj Lwm Zoo Npaum Li Cas uas yog
cuam tshuam rau Qhov Kev Pab Cuam Kom Paub Txiaiv Txim Rau Tus Kheej (Self-
Determination Program (SDP)) rau, cov kev uas yuav muab nyiaj rau yav tom ntej, thiab
cov lus qhia ntxiv txog kev muab tej nyiaj txiag sau kom muaj ntaub ntawv tseg.

Cov Nyiaj Them Kom Cov Chaw Pab Neeg Xiam Oob Qhab Nyob Hauv Tej Cheeb
Tsam Mob Siab Khiav Hauj Lwm Rau Qhov Kev Pab Cuam SDP

Nyob hauv ib [tsab ntawv](#) uas sau thaum Lub Rau Hli, Tim 17, 2024, lub Department
muaj ib cov lus qhia txhua hais txog [SANDIS cov lus kho dua tshiab txog txoj kev yuav
tsum tau hais qhia paub](#). Tag nrho 21 lub chaw pab neeg xiam oob qhab nyob hauv tej
cheeb tsam yeej ua tau raws nraim li qhov kev ntsuas yog lawv muab cov lus cuam
tshuam rau qhov kev pab cuam SDP cov lus uas yuav tsum tau muaj nyob hauv
SANDIS ntaus tag rau hauv lawm thaum txog Lub Yim Hli, Tim 31, 2024. Vim qhov no,
peb yuav muab \$362,000 rau txhua txhua ib lub chaw pab neeg xiam oob qhab nyob
hauv tej cheeb tsam twg rau lawv txoj kev mob siab khiav hauj lwm.

Cov Nyiaj Uas Muab Rau Cov Chaw Pab Neeg Xiam Oob Qhab Nyob Hauv Tej
Cheeb Tsam

Cov chaw pab neeg xiam oob qhab nyob hauv tej cheeb tsam yuav tau qhov nyiaj them
rau txoj kev mob siab khiav hauj lwm uas yog muab ua ib feem ntawm cov kev muab
nyiaj D-4 uas yog muab thaum Lub Kaum Ob Hlis, Tim 26, 2024. Ntxiv rau qhov nyiaj
cuam tshuam rau qhov kev pab cuam SDP, cov kev muab nyiaj D-4 los kuj tseem yuav
muab nyiaj them rau kev mob siab khiav hauj lwm rau xyoo FY 2022-23 raws nraim li
[Cov Lus Qhia](#) uas muab tso tawm thaum Lub Xya Hli, Tim 29, 2024. Qhov nyiaj D-4 yog
qhov nyiaj RCPM uas muab thawj zaug, suav nrog rau tag nrho cov nyiaj rau kev khiav
hauj lwm zoo uas lub chaw pab neeg xiam oob qhab nyob hauv tej cheeb tsam tau los
txog lub sij hawm ntawd.

Kev Sau Ntawv Mus Thov Cov Nyiaj

Cov nyiaj ntawm no yog ib cov uas cov chaw pab neeg xiam oob qhab nyob hauv tej cheeb tsam twb khiav hauj lwm tag rau lawm. Cov chaw pab neeg xiam oob qhab nyob hauv tej cheeb tsam yeej tsis tag yuav tos txog thaum muaj ib cov nqi/taum yuav ib cov khoom es mam li xa ntawv mus thov qhov nyiaj. Cov chaw pab neeg xiam oob qhab nyob hauv tej cheeb tsam yuav tsum tau xa ntawv mus thov kom tau tag nrho qhov nyiaj tsis pab dhau Lub Peb Hlis, Tim 15, 2025, sub thiaj li yuav muab cov ntaub ntawv thaum lub xyoo yuav xaus ua tau tiav, thiab yuav tsum tau siv tsab ntawv teev npe uas ib txwm siv rau General Fund Operations (Qhov Nyiaj Uas Muab Siv Coj Los Khiav Txhua Yam Hauj Lwm). Cov chaw pab neeg xiam oob qhab nyob hauv tej cheeb tsam yuav tsum tau npaj ib txoj kev los mus khaws lawv cov ntaub ntawv kom tsis txhob xa ntawv ntau tshaj ib zaus mus thov yog thaum twg yeej tau them ib qhov nqi lawm.

Kev Muab Tej Nyiaj Txiag Sau Kom Muaj Ntaub Ntawv Tseg

Cov chaw pab neeg xiam oob qhab nyob hauv tej cheeb tsam yog cov uas muaj cai los txiav txim hais tias saib lawv yuav muab cov nyiaj them rau kev khiav tau hauj lwm zoo coj mus siv zoo li cas rau lawv txoj kev khiav hauj lwm. Los mus ua kom tsis txhob muaj kev zais hauv txoj kev siv cov nyiaj ntawm no nyob thoob plaws hauv lub xeev, peb yeej tau qhib ib cov as khauj siv nyiaj khiav hauj lwm (general ledger operational expense accounts) zoo li tau muab teev tseg rau hauv tsab ntawv tshaj xo [Technical Bulletin 557 uas muab tso tawm rau thaum Lub Kaum Ob Hlis, Tim 16, 2024](#). Cov as khauj yog muaj Direct Expenditures, Indirect Expenditures, thiab IT/Equipment Expenditures kom muaj zoo ib yam li txoj kev khiav hauj lwm uas muab qhia nyob hauv Core Staffing Formula.

Thov sau email mus rau RCMeasures@dds.ca.gov yog muaj lus nug hais txog tsab ntawv ntawm no. Peb xav thov qhuas tag nrho cov chaw pab neeg xiam oob qhab rau qhov uas nej tau khiav hauj lwm tau zoo rau cov nyiaj ntawm no.

Sau npe,

Tus neeg uas yog tus kos npe rau tsab ntawv tseem:

MICHI A. GATES, Ph.D.

Thawj Tswj Saib Xyuas Hauj Lwm (Chief Deputy Director), Qhov Kev Pab Cuam Cov Kev Pab

Xa ib tsab mus rau: Regional Center Administrators (Cov Neeg Saib Xyuas Dej Num Nyob Cov Chaw Pab Neeg Xiam Oob Qhab Nyob Hauv Tej Cheeb Tsam)
Regional Center Directors of Client Services (Lub Chaw Pab Neeg Xiam Oob Qhab Cov Thawj Coj Saib Xyuas Hauj Lwm Rau Cov Kev Pab Uas Muaj Rau Cov Neeg Siv)
Regional Center Community Services (Cov Thawj Tswj Saib Xyuas Cov Kev Pab Uas Npaj Rau Lub Zej Zos Siv Nyob Ntawm Cov Chaw Pab Neeg Xiam Oob Qhab Nyob Hauv Tej Cheeb Tsam)

P-2024-Cov Kev Ntsuas Saib Lub Chaw Pab Neeg Xiam Oob Qhab Nyob Hauv Tej Cheeb
Tsam Khiav Hauj Lwm Tau Zoo Npaum Li Cas-001
Phab ntawv 2

Association of Regional Center Agencies (Cov Chaw Tuav Dej
Num Rau Lub Koom Haum Ntawm Cov Chaw Pab Pej Xeem Nyob
Hauv Tej Cheeb Tsam)

Pete Cervinka, Department of Developmental Services (Lub Chaw
Tuav Dej Num Saib Xyuas Cov Kev Pab Uas Muaj Rau Cov Neeg
Muaj Teeb Meem Rau Ntawm Txoj Kev Loj Hlob Siv)

Carla Castañeda, Department of Developmental Services (Lub
Chaw Tuav Dej Num Saib Xyuas Cov Kev Pab Uas Muaj Rau Cov
Neeg Muaj Teeb Meem Rau Ntawm Txoj Kev Loj Hlob Siv)

Ernie Cruz, Department of Developmental Services (Lub Chaw
Tuav Dej Num Saib Xyuas Cov Kev Pab Uas Muaj Rau Cov Neeg
Muaj Teeb Meem Rau Ntawm Txoj Kev Loj Hlob Siv)